

Himpunan Solidariti Palestin Ahad ini beri mesej kepada Israel - Anwar

KUALA LUMPUR: Himpunan Solidariti Palestin yang akan diadakan di Axiata Arena Bukit Jalil di sini, Ahad ini sudah cukup memberi tanda solidariti bagi perjuangan pembebasan Palestin serta pembunuhan kejam pemimpin Hamas dan Ketua Biro Politiknya, Ismail Haniyeh.

Perdana Menteri, Datuk Seri Anwar Ibrahim berkata, perhimpunan itu sudah cukup untuk menyampaikan mesej ke-

tegasan kepada Israel terhadap tindakan mereka selama ini.

"Menteri Luar telah mengeluarkan kenyataan di Dewan Negara. Kita sudah bincang bersama Kabinet, sudah buat kenyataan tegas dan mengutuk kekejaman berterusan, pembunuhan, kegilaan yang dilakukan oleh rejim Israel terhadap Ismail Haniyeh.

"Dan kita akan adakan perhimpunan pada hari Ahad ini, saya ingat ia sudah cukup un-

tuk menyampaikan mesej serta menyokong aspirasi perjuangan rakyat Palestin," katanya kepada pemberita di sini, semalam.

Terdahulu, Anwar menghadiri majlis bacaan tahlil, Yasin dan doa selamat bersempena Hari Pahlawan di Masjid Negara yang dihadiri oleh Panglima Angkatan Tentera Malaysia, Jeneral Tan Sri Mohammad Ab. Rahman serta Timbalan Ketua Polis Negara, Datuk Seri Ayob Khan Mydin Pitchay.



ANWAR Ibrahim menghadiri majlis bacaan Yasin dan tahlil sempena Hari Pahlawan di Masjid Negara, semalam. - UTUSAN/AMIR KHALID